



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Broj: 01-08-M-75/24
Sarajevo, 31.05.2024. godine

STRUČNA SLUŽBA ZA POSLOVE
KABINETA I POSLOVE GRADSKJE UPRAVE
-ovdje-

PREDMET: Mišljenje na prijedlog Odluke o prihvatanju Pokroviteljstva 2. Festival svjetla Sarajevo
Veza Vaš Zahtjev broj 14/1-11-3681-3/24 od 30.05.2024. godine

Poštovani,

Dana 30.05.2024. godine, Pravobranilaštvu Grada Sarajeva ste pisanim aktom broj 14/1-11-3681-3/24 od 30.05.2024. godine dostavili na mišljenje prijedlog Odluke o prihvatanju Pokroviteljstva 2. Festival svjetla Sarajevo.

Uvidom i čitanjem prijedloga Odluke o prihvatanju Pokroviteljstva 2. Festival svjetla Sarajevo utvrđeno je da se radi o jednostranom pravnom aktu u formi odluke, a ne o dvostranom pravnom poslu iz kojeg razloga Pravobranilaštvo Grada Sarajeva nije u mogućnosti postupiti po Vašem zahtjevu za davanje mišljenja u skladu sa odredbama člana 15. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) i odredbama člana 11. Odluke o osnivanju Pravobranilaštva Grada Sarajeva („Službene novine Kantona Sarajevo“ broj 20/10, 30/15, 12/17 i 41/21) kojima je propisano da Pravobranilaštvo, na zahtjev organa Grada Sarajevo, daje mišljenje u vezi sa zaključivanjem ugovora imovinsko-pravne prirode.

Također, Pravobranilaštvo Grada Sarajeva nije u mogućnosti postupiti po Vašem zahtjevu niti po članu 14. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) odnosno članu 12. stav 1. Odluke o osnivanju Pravobranilaštva Grada Sarajeva („Službene novine Kantona Sarajevo“ broj 20/10, 30/15, 12/17 i 41/21) obzirom da prijedlog Odluke o prihvatanju Pokroviteljstva 2. Festival svjetla Sarajevo ne predstavlja opći akt Grada Sarajeva kojim se uređuju imovinsko-pravni odnosi, prava i obaveze prema stvarima i vlasništvu Grada Sarajeva.

Budući da ste kao prilog svom aktu broj 14/1-11-3681-3/24 od 30.05.2024. godine uz prijedlog Odluke o prihvatanju Pokroviteljstva 2. Festival svjetla Sarajevo i spis predmeta broj 10-11-3681 od 19.04.2024. godine dostavili i prijedlog Ugovora o realizaciji odobrenih sredstava iz Budžeta Grada Sarajeva za 2024. godinu (Primjena Odluke o uslovima i postupku prihvatanja pokroviteljstva Grada Sarajeva) informišemo Vas da eventualno postupanje Pravobranilaštva Grada Sarajeva nastaje davanjem mišljenja na prijedlog ovog navedenog Ugovora, prije njegovog zaključenja, a koji će biti pravni posao realizacije Odluke o prihvatanju Pokroviteljstva 2. Festival svjetla Sarajevo u slučaju njenog usvajanja odnosno stupanja na snagu.

DOSTAVITI:

- Naslovu
- U spis

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba

PRAVOBRANILAC GRADA SARAJEVO

Admir Jusupbegović



40 YEARS





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKA UPRAVA

SLUŽBA ZA LOKALNO POSLOVANJE

Broj: 07-11-3681-1/24
Sarajevo, 08.05.2024. godine

GRADONAČELNICA
Prof. dr. Benjamina Karić

PREDMET: Prijedlog za pokroviteljstvo - Festival svjetla, 25.11.2024. - 01.03.2025.
Molba broj: 07-11-3966/24 od 19.04.2024. godine

Poštovana gradonačelnice,

Fondacija Sarajevo Navigator obratila se molbom za pokroviteljstvo manifestacije Festival svjetla, koji će se održati 25.11.2024. - 01.03.2025, u iznosu od 50.000,00 KM.

Ukupno procijenjeni trošak realizacije projekta iznosi 727.272,70 KM.

Festival svjetla održan je prvi put u Zemaljskom muzeju BiH u periodu 25.11.2023. - 01.03.2024. godine i predstavlja jedinstven kulturno - zabavni događaj koji je tokom tri mjeseca trajanja atrakcija kako za građane, tako i za posjetitelje Sarajeva svih generacija.

Festival svjetla je događaj koji značajno obogaćuje kulturno - zabavnu i turističku ponudu Sarajeva u zimskom periodu i kojim se afirmira bogato bosansko - hercegovačko prirodno i kulturno - historijsko naslijeđe. Nastao po uzoru na događaje u botaničkim vrtovima u New Yorku, Londonu, Berlinu..., Festival svjetla jedinstven je po kombiniranju rasvjete s radovima umjetnika, dužini trajanja, ali i namjeri da u budućnosti izađe i izvan okvira muzeja.

Kako se navodi u Molbi, kroz evidenciju po ulaznicama i poklon narukvicama koje su posjetitelji dobivali pri ulasku na Festival, evidentirano je kako je prvo izdanje Festivala svjetla Sarajevo posjetilo više od 52.000 posjetitelja, čime je ovo bio najposjećeniji i jedan od atraktivnijih događaja u zimskoj sezoni 2023/2024.

Festival svjetla Sarajevo u Zemaljskom muzeju BiH pokazao se kao atrakcija za širok spektar posjetitelja, kako za građane Sarajeva, tako i za posjetitelje glavnog grada Bosne i Hercegovine, domaće i strane turiste.

Organizatori Festivala naročito su ponosni na činjenicu da se tokom trajanja Festivala, posebno kroz akciju „Četvrtkom izlazim u Zemaljski muzej BiH“, ovaj muzej afirmirao kao mjesto za porodična druženja i mjesto za sve generacije.

Pravilnikom o kriterijima za prihvatanje pokroviteljstva Grada Sarajeva (*Službene novine Kantona Sarajevo, broj: 32/17*) propisani su opći i posebni kriteriji za prihvatanje pokroviteljstva Grada Sarajeva nad društvenim, naučnim, kulturnim, sportskim ili drugim manifestacijama, priredbama i skupovima od značaja za Grad.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Obzirom da se radi o događaju od značaja i interesa za grad Sarajevo, Služba za lokalno poslovanje razmotrila je zahtjev, te utvrdila da Fondacija Sarajevo Navigator ispunjava opće kriterije za prihvatanje pokroviteljstva i to:

- Izvod iz Registra udruženja,
- ID broj,
- Broj računa u poslovnoj banci,
- Izjava da su osigurani tehnički uslovi za realizaciju aktivnosti,
- Izjava da su osigurani ljudski i materijalni uslovi za realizaciju aktivnosti,
- Plan aktivnosti s naznačenom konstrukcijom finansiranja.

Od posebnih, ispunjeni su sljedeći kriteriji:

- Stepen doprinosa afirmaciji grada Sarajeva,
- Interes građana grada Sarajeva,
- Afirmacija bh. identiteta i tradicionalnih bh. vrijednosti.

U skladu s članom 4. stav (1) i stav (2) Odluke o uslovima i postupku prihvatanja pokroviteljstva Grada (*Službene novine Kantona Sarajevo, broj 5/06*) i člana 6. Pravilnika o kriterijima za prihvatanje pokroviteljstva Grada Sarajeva, Služba za lokalno poslovanje predlaže da Grad Sarajevo bude pokrovitelj manifestacije Festival svjetla, koji će se održati 25.11.2024. - 01.03.2025. godine, u iznosu od **50.000,00 KM**.

Navedenom Odlukom propisano je da Gradsko vijeće Grada Sarajeva donosi odluke o prihvatanju Pokroviteljstva uz finansijske obaveze Grada Sarajeva u iznosima većim od 25.000,00 KM. Prijedlog, odnosno inicijativu, gradonačelnica Grada Sarajeva kao predlagač, dostavlja Gradskom vijeću Grada Sarajeva, na razmatranje i konačno odlučivanje.

Shodno tome, predlaže se da, u skladu s odlukom gradonačelnice, nadležna Služba pripremi odgovarajući akt za Gradsko vijeće Grada Sarajeva.

S poštovanjem,

Obradila

POMOĆNIK GRADONAČELNICE

Elvir Hadžiahmetović

Dostaviti:

- *Naslovu*
- *U spis*

PRIMLJI Broj:	123-04-2024
Organizaciona Jedinica	10
Ministarsvo	11
Broj	3681



Sarajevo, 19. april 2024.

GRAD SARAJEVO

n/r Dr. Benjamina KARIĆ – LONDRC, gradonačelnica Grada Sarajeva

Predmet: Molba za pokroviteljstvo - sufinansiranje događaja **2. Festival svjetla Sarajevo** iz Budžeta Grada Sarajeva

Poštovani,

obraćamo Vam se s molbom za finansijsku podršku / pokroviteljstvo događaja **2. Festival svjetla Sarajevo** iz budžeta Grada Sarajeva u iznosu od **50.000,00 KM**, što predstavlja oko 7% uskupnih troškova ovog projekta, čije je prvo izdanje, održano od 25. novembra 2023. do 01. marta 2024. privuklo više od 52.000 posjetitelja i poslalo iznimno lijepu sliku iz Sarajeva.

NAZIV PROJEKTA: 2. FESTIVAL SVJETLA SARAJEVO
MJESTO ODRŽAVANJA: ZEMALJSKI MUZEJ BiH
VRIJEME ODRŽAVANJA: 25.11.2024 – 01.03.2025.

CILJEVI PROJEKTA:

- Kreirati održiv kulturno-zabavni događaj namijenjen svim uzrastima, koji će upotpuniti kulturnu ponudu Sarajeva i privući značajan broj građana i posjetitelja Sarajeva (minimalno 50.000 posjetitelja tokom tri mjeseca trajanja)
- Kroz realizaciju događaja afirmisati kulturno-historijsko i prirodno naslijeđe BiH, kao i državnost Bosne i Hercegovine
- Stimulisati razvoj domaće umjetničke scene i afirmisati korištenje svjetla kao medija umjetničkog izražavanja

UKUPNO PROCIJENJENI TROŠAK REALIZACIJE PROJEKTA: 727.272,70 KM

OPIS PROJEKTA:

Botanički vrt Zemaljskog muzeja Bosne i Hercegovine i prostor Zemaljskog muzeja će i u zimskoj sezoni 2024 / 2025. biti magično mjesto, puno čarobnog svjetla, jedinstvene i očaravajuće atmosfere, gdje će posjetitelji moći doživjeti trenutke ushićenja i istinske sreće. Festival svjetla Sarajevo u Zemaljskom muzeju BiH zamišljen je kao jedinstven kulturno-zabavni događaj koji je tokom tri mjeseca trajanja atrakcija kako za građane, tako i za posjetitelje Sarajeva svih generacija.

Namjera je da ovo bude događaj koji će značajno obogatiti kulturno-zabavnu i turističku ponudu Sarajeva u zimskom periodu i kojim će se i afirmisati bogato bosansko-hercegovačko prirodno i kulturno-historijsko naslijeđe.